

粵

匪

紀

略

粵匪起事

粵西一省，遠處邊陲，田
實素稱純良，近因生齒
熾，如果有司治以嚴刑，
玩畏難苟安，姑息養奸，
秋間賊匪日聚，日衆屯於
聲色，即時會營往捕，不難
大其詞，繼則意圖消弭，相

無顧忌先本搶掠為生後
元惡洪秀全楊秀青馮雲
六賊為之倡先奉

特派前總督林公則徐督辦

旨著前兩江總督李公星沅

故即命廣西巡撫周公

薇奉

旨大學士賽公尚阿著授為

著都統巴清德達洪阿前往幫辦巴都
即因病身故是年自夏徂秋逆匪糾衆

臨平南官軍往剿連次報捷該逆復聚於風門塢
營嶺大黃江等處均為我軍擊敗

永安失守屢攻未下

賊衆在營嶺大黃江等處被官兵懲創之後乃實
夜徑撲永安州城官兵無多該逆四面圍攻我軍力
不能支元年閏八月初一日城也失陷代理知州吳

雲夫婦殉亂荔浦相距甚近

連

奉

賽中堂札委隨

同調任福建漳州鎮長壽前九江道士魁帶領兵勇
四百餘名前往守禦兩旬之久得保無虞嗣川北鎮
劉長清帶兵前來奉文交卸回省復派隨同長鎮前
往昭平大洞一帶防堵維時廣西提督向榮總統全
軍由大黃江帶兵繞至平樂府養病以劉鎮署理提
篆節制諸軍遠同長鎮行至大洞查看地勢當以此
處為永安東路直通桂林省城僅有已革恭將王夢

麟帶貴州敗兵三百名在彼堵禦殊不足恃。稟請添兵扼守。未荷允行。復由長鎮函致鄒撫軍。懇其轉請聲明大洞一帶多係崇山峻嶺。在旁觀者逆匪必不從此竄逃。不知此股逆匪生長山谷之中。翻山越嶺。是其慣伎。且頭頭是道。豈可以三百無用之兵。一員屢敗之將。當此要地。未免過於輕視。務請撥給精兵三千。以便守禦。鄒撫軍將原函送閱。仍未邀准。旋奉調至永安大營。嗣向提督病痊來營。節次移營前進。

連獲勝仗。奉文擇尤保奏。遠隨長鎮在前。敵大營辦理文案。蒙開單請獎。奉傳示以在昭平所稟情形言之。過激不准列入。永安本彈丸之區。兵勇七八萬之多。如同心合力。四面圍剿。斷無不成功之理。詎意向提督烏都統彼此不和。不肯虛心籌畫。數月之久。屢攻未下。十二月。賽中堂由桂林來營督剿。仍復各存己見。以致日久無功。

逆匪出山。官軍先勝後敗。

二年二月十二日逆匪意欲竄走先以數千人前往大洞一帶探路我軍本止數百不仗而潰自應趕緊多派官兵馳往扼要堵守乃僅令總兵李瑞往看情形如何堵禦並無良策十六雨夜逆匪大股直趨大洞一帶而走十七早官軍追勦殺賊無算十八日亦大獲勝仗並生擒洪逆之弟洪大全賊勢已窮十九日原議暫且休息因我軍兩日鏖戰乾糧未到加以山路崎嶇雨濕路滑飢疲過甚不料烏都統急圖成

功帶隊先行而兵無戰心隨即潰散在後官兵收隊不及自相踐踏賊衆復至官軍死者不計其數總兵長瑞長壽邵鶴鳴董光甲叅將田學韜成林等同時陣亡遺失軍火器械不可勝計該逆遂由大洞昭平竄走直趨桂林虎兕出柙職此之由也

賊撲桂林省城解圍後連失數城

官兵在大洞失利向提督同總兵和春秦定三等退至永安收集兵勇連夜趕至桂林省城正布置間逆

匪已抵城下。勢極兇猛。並於象鼻山安設砲台。晝夜環攻。副將銜叅將長明陣亡。經向和諸公帶兵分段守禦。又得在城撫藩司道府縣協力相助。無不立時擊退。月餘之久。該逆向興安一帶而去。始解重圍。烏都統於逆匪將到省城之時。帶兵追至將軍橋。被賊鎗傷左腿。越數日殞命。未幾興安靈川相繼失陷。全州勢已危極。適湖南都司武昌顯帶兵行抵全州。隨入城登陴守禦。賊匪日夜圍攻。該都司人極勇幹。督

兵奮力轟擊，斃賊不計其數。惟兵不滿千，城內糧食
將丸。將次殆盡，節次飛稟請援。奉派川北劉鎮帶兵
三千有奇，馳往援救。乃並不直逼城下，於十里外扎
營，觀望不前。該都司力竭計窮，致被逆匪乘間破入。
猶復手刃數賊，被賊圍殺而亡。所部兵弁均以力竭
捐軀。維時省城早已解圍。賽中堂在永安未回，所
有在城出力文武，經鄒撫軍奏請鼓勵得

旨，向榮著交部優叙，餘俱照所請升賞。未幾鄒撫軍為大

帥所勅奉

旨罷斥彼因軍務喫緊而向提督以舊疾復發呈請在省就醫中堂親往啟請至再堅辭不行當以和鎮久歷戎行謀勇素著奏加提督銜總統諸軍和鎮即邀遠襄理戎幕隨帶兵趕至全州賊已竄出隨跟踪追擊連獲勝仗並擊斃首逆蕭潮貴賊衆直趨楚南此二年四月內事也

賊竄楚南

劉鎮以援救遲緩奏叅罷職遠戍旋因病身故逆匪
原欲徑赴永州因為河所阻遂取路道州查道州本
有雙牌濂濤灣等處極險要隘上係懸巖下即深河
路僅一線計亘長六十餘里別無分路真一夫當關
之地如設兵堵守安以大砲逆匪斷難超過提督余
萬清督兵專守道州並未佈置一聞賊至即帶兵棄
城而走使逆匪如入無人之境署州王揆一帶勇逆
戰被賊刺傷州城因而失守引虎入室此大誤也和

鎮馳抵道州。連日進攻。不過小勝。未能得手。當以前路要隘甚多。稟請添兵圍勦。以冀速滅妖氛。奉批添兵。必須籌餉。碍難照行。隨又稟覆。以添兵數千。每月增餉。不過數萬兩。就現在道州地勢而論。可望得手。如僅就現有之兵。賊若他竄。難以分布。欲圖速滅此賊。恐致遲緩。是借費轉多費也。如此具稟。仍未邀准。不數日。賊竄郴州。桂陽嘉禾。直撲長沙。適所調陝甘官兵四千名。甫抵星沙。正在相地扎營。賊衆突至。猝

不及防、被賊刺殺、僅存數百人而已。

七

長沙解圍

和總統與秦鎮帶兵趕至長沙省城、該逆已直撲南門、我軍於逼近賊營之天星閣、緊連城根、紮營數座、賊衆日夕環攻、並偷挖地道、三次轟陷城垣數十丈、均經和總統親身在城、督同副將鄧紹良等竭力堵、住、立時擊退、斃賊不少、並將東南兩面、聯營十餘里、挖築長濠一道、深見丈餘、為長圍久困之計、布置頗

稱周安適向提督田粵來楚而中堂已先期駐紮
長沙派委督兵駐紮河西正在會商圍剿間奉到

諭旨賽尚阿督兵剿賊日久無功勞師糜餉著革職拿問
進京程喬米於所屬地方毫無預防致賊竄入革職
發往新疆以兩廣徐制軍調任兩湖並授為

欽差大臣督辦軍務而徐制軍不察軍情以和鎮勦賊不
力奏請撤去總統以向提督總理諸軍臨敵易將軍
家所忌九月十九日向提督帶兵攻打河西官軍失

利傷亡士卒不少。且彼此任却之際，不無意存觀望。即如賊在城外河內，用船搭成浮橋，上釘木板，往來如涉坦途。官兵屢次轟打，未能毀動。遠當以漢口向有水摸，可以僱募數名前來，只須鑿穿船底，其橋自沉。如可准行，即獨力捐辦，乃以且候商量，推延多日，不為允准。又如河西回龍潭一帶，為通甯鄉湘潭之路，須兵二三千堵守，竟與廣東官兵兩相推諉，不即扼紮。因而賊匪乘間，於十月十九夜潛逃，路過河西。

向提督毫無覺察而哨探又不確實傳令各鎮將帶兵赴湘潭追趕二十一日赶到湘潭始悉賊係由甯鄉奔竄以致多繞兩日之路二十三日官軍行抵益陽賊已占踞縣城兵勇連日趨程本已飢疲均無關志向提督急於進攻因而失利損兵折將不少二十四日賊在益陽擄船多隻出林子口計圖北犯我軍於二十五晚方知確信蓋紮營在三十里之外故毫無聞見也

賊陷岳州直撲鄂城

官兵夤夜追擊二十七日齊至長沙張撫軍恐賊回竄省門留住兩日十一月初四日趕至岳州詎府城已於初三日失守岳州本有提督博勒恭武督兵防堵聞賊將至先於初二日帶兵回鄂同城文武亦踴棄城而逃開門揖盜真奇事也初六日賊由岳州水陸並下郡城已空初七日向提督尚督兵攻打方知賊兵已走初九日湖南貴州官兵趕至臨湘上前追

殺斬擒賊匪多名。探得大股之賊直撲郢城。即派總兵常祿、王錦繡帶兵三千由小路抄至賊前迎頭截剿。一面趕至武昌省城應援。該二鎮本非得力勇將。雖抄至賊前。而一路要隘並蒲圻、咸甯兩城可守之處。竟未駐守。所帶之兵沿途遇賊衝散不少。十一日到省。只存千餘名入城。其中和門外之長虹橋為入城要口。原設砲台兩座。派有官兵防守。常撫軍雙提督聞岳州已失。即將防守城外官兵全行撤入城內。

所設砲台營壘均不拆毀。初九日水路之賊先到漢陽。十二日攻陷府城。賊匪連日並未過江。我軍尚駐在城外布置。豈料一籌莫展。十三日旱路之賊齊抵城外營壘砲台。概被占踞。復擄船無數於平湖武勝門外搭成浮橋二座。一通漢陽。一達漢口。逆匪往來如履平地。因而省城九門被其合圍。水洩不通。十四日向提督統兵到省。彼時長虹橋尚無多賊。自應紮營李家橋。以便進剿。忽傳令退紮柏木嶺。遲至十六

日始行進兵而長虹橋砲台該逆已添賊嚴守矣我軍連日進攻不能破入未幾金沙白沙二洲又為賊所占矣嗣大軍移營蕎麥灣地居上游遠因賊匪於武漢兩處來往自如城內消息不通必須將其浮橋燒燬使其不能往來以分其勢城外官兵甚重內外夾攻省城或可無虞擬用破船多隻聚以蘆薪俟有順風即燃燒順流而下不須人力當可自成灰燼並
以需費無多可以捐辦婉說再三和鎮不肯進言二

十三日移紮東門外卓刀泉連次攻勦均獲勝仗二十八日和秦二鎮挑定湖南貴州廣西敢戰精兵數千名攻打洪山小別山一帶賊營向提督帶總兵馬龍等攻打田家園一路賊壘和秦二鎮首先登山兵勇奮力前進將山頂砲台立時奪獲並攻毀寶通寺逆巢及山後賊營十五座燒死逆匪不計其數我軍已攻至城下如城內官兵兩面夾擊則重圍立解豈料毫無接應而馬龍進攻田家園賊壘數時之久未

能奪獲一處聞和峯二鎮攻勦得手心生妬忌遂請傳令收隊次日微雪因移營未克進兵但東門外之雙峯山緊逼城下先為賊踞二十八日為我軍所破遠

疊請移兵駐紮可與城內聲息相通乃和鎮答以從容商計初一初二初三等日天氣晴朗既不扼守雙峯山要口又不出隊進攻觀望遷延而雙峯山又為賊踞仍與城內不通消息省城之失實由於此此大誤事機之實在情形也初四日卯刻賊匪在文昌

門外用地雷轟陷城牆數丈登時入城提督雙福住
居公館並未登陴官兵全無抵禦庸人誤事誠堪痛
恨在城文武同時被害得總兵常祿副將春榮督兵
巷戰殺賊多名以力竭陣亡紳民男婦死者不可勝
計而全家殉亂者共七百數十家惟我軍紮營鄧家
灣一帶距城不及三里遠聞此凶耗立請和秦二鎮
轉商向提督刻速帶領官兵直奔城下擬用蒲包盛
土堆積入城迎頭截殺定可轉敗為勝詎官軍行至

中途為總兵馬龍宇瑞所阻，竟不上前援救，坐觀成敗，誤國殃民。至於此極，真天地為之寒心，鬼神因而歎泣。省城既失，忽傳令退至六十里之南鄉東湖街紮營，以就糧餉。經遠大聲疾呼，力言其萬不可行。乃止。省門陷後，首逆入城，將紳民鋪戶，無論男婦，逼脅投降，以二十五人為一軍。男有男賊，管帶女有女賊，管領其各家財物糧食，搜掠一空。每日按口給米，男少壯者，即命出城守營。其餘分別男女，館概令歸。

館住宿彼此不許往來可憐家則登時敗壞人則子
散妻離即父子夫婦均不能相顧賊之殘虐誠不足
論也顧當事者如常撫軍才識迂拘雙提督不諳軍
務兩司及各員等於應辦應防一切事宜不肯發銀
製辦以故動形掣肘即如文昌門外有高姓墻垣高
與城齊恐賊從此挖地道曾有川勇數十名情願出
城拆毀常撫軍許賞銀一千兩該勇拆去一半請先
酌給賞項藩司梁玉源分厘不給因而中止乃逆匪

恰由此處挖道而入。各小費而誤大事。何以自解乎。
至向提督統兵應援。數至三萬有奇。抵鄂兩旬之久。
果能奮力進剿。非必不能攻入。雖係城內官兵守護。
不力。而調度無方。遷延貽誤。咎實難辭。況城陷多日。
一味按兵不動。並不設法進取。連日城內逃出人民。
不一而足。僉云賊匪入城。首在先擄財物。城上全無
防備。即在城住宿者。為數不多。若官兵出其不意。設
法登城。定可一鼓成功。達一聞此信。即向和秦二公

婉商囑其轉請速辦孰意何提督大為不然總以賊
勢甚大不可交鋒必須退兵不數日退至廣福屯再
退羅家山畏縮無能可鄙可笑未幾奉到

諭旨補授廣西提督並授為欽差大臣總理軍務矣權勢

既重幕中主筆需人即托和公邀

遠

前往辭之再三

猶復諂諛啟請當向和公述及向帥營伍雖尚老練
無如其人不肯禮賢下士且左右多非君子似非成
功之人是以力辭說之再三和公始允代辭而止隨

聞逆匪定於正月初三日全股東竄水陸齊下自應
趕緊派兵堵禦攔頭截勦乃毫不布置初二晚城內
火起猶不進兵使該逆從容行走長驅直下並逼脅
男婦十數萬人押令同行彼時在大江投水死者又
不知凡幾一路哭泣之聲慘不忍聞向帥統兵追擊
遠告辭回家瀕行和公訂以後約許俟稍緩再往提
督博勒恭武岳州恭將阿克東阿逃至京師被獲交
刑部審訊供認聞警逃走屬實一併正法

逆匪東下

逆匪東竄初五日攻破黃州初七日齊抵九江連日圍撲初九日府城失守兩江陸制軍帶兵前來迎勦聞九江已失仍折回金陵逆匪遂連陷湖口彭澤東流等縣十五日圍陷安慶蔣中丞文慶殉亂懷甯縣典史臨亂捐軀其餘各官多已先期出城矣官軍趕至潯陽先則援應不力致城失陷繼而閑居多日不為前進和鎮同副將鄭魁士以逆衆將到金

陵、亟應由小路抄至前途、以顧江南省城、而向帥藉養病為由、屢請起程、遷延不行、迨聞金陵已失、始令僱船、一時數催、鄭副將答以何不早行、向帥即以此言為抗令、立時傳令正法、各統兵大員、力求不允、兵勇數萬、僉稱鄭係有功之將、斷不能無辜加罪、齊聲鼓噪、始令釋放、而行軍遷延、人口藉藉、遂以鄭副將起程遲緩、催其速行、猶敢抗令不遵、本應立正軍法、姑念屢著戰功、免其一死、奏請革職留營効力、如此

上陳得以掩其遲延之愆其奸險為何如也

金陵失陷鎮揚旋亦不守

逆匪於攻破安慶後太平府旋亦不守一路裹脅其勢甚衆直撲金陵先踞雨花台及上中下三閘仙鶴門等處連日攻城並偷挖地道二月初十日被其破入陸制軍藍巡道涂文鈞及府縣各員均被戕害江甯將軍福珠洪阿督率在城滿漢官兵巷戰兩日殺賊甚多無如賊勢過衆以力竭捐軀合城男婦或全

家殉亂或罵賊身亡或禦賊殞命死者不計其數而
旂營被害尤為慘烈城陷數日向帥始帶兵前來江
蘇巡撫楊公文定本已帶兵出省聞金陵失陷避至
江陰為士民所逐隨奔赴水營適內閣學士兼禮部
侍郎銜許公乃釗由廣東學差任滿道經江南奉

旨楊文定著革職拏問許乃釗著補授江蘇巡撫幫辦軍
務賊匪既得金陵即分股攻撲鎮江該處副都統文
藝並知府豫立泰將經文岱知縣張印坦因兵勇無

多彼此籌商以守城不如守險於是全行出城追賊
鼠至高資官兵力難抵禦郡城旋即失守揚州僅隔
一江聞此警信民心驚慌有素性好善之江壽民以
逆匪烏合首在擄掠財物議以同城紳耆鋪戶公捐
銀十萬兩由伊送至賊營可免擾害以救合城生靈
詎逆匪收銀之後仍大股直入揚州控稱安民未及
三日擄殺依然江壽民無顏對人旋即自盡漕運總
督楊公殿邦兩淮巡使劉良駒帶勇防守瓜州聞警

而退奉

旨革職遣戍

琦相專辦揚州軍務及鎮江失算江西解圍

漕帥楊公殿邦運司劉良駒帶兵防守瓜州聞警退走奉

旨革職拏問揚州失陷具摺上聞得

旨前大學士琦善著授為欽差大臣頒給關防帶領官兵馳赴揚州督辦軍務著都察院左副都御史雷公以

十六
誠前往堵防並經向帥奏派江南提督鄧紹良統帶官兵攻取鎮江特雷副憲營中委員錢江諸多狂謬快制上司立挈正法具摺陳明得

旨嘉獎旋升刑部侍郎嗣向軍門因屢攻金陵不能得手即於大營開爐鑄造七萬觔大砲遂各路調取銅觔時越數月之久費銀數萬之多方得造成逆匪聞而驚懼擇日開放砲子落地未及城根不但不能致遠而砲身業已炸裂轉為賊人所笑此砲現棄金陵城

外辦理不精，誠為可惜也。時署兩湖總督張公亮基在楚製造砲船多隻，派向帥之子廕生向繼雄並奏留楚北差委之已革知府謝繼超管帶東下，原責令防守江口，以杜上竄。乃攜帶妓女，終日歡娛，並未實力堵守。三年四月杪，金陵之賊乘間竄出，直趨安慶。一路本無準備，未幾安慶池州相繼而失，該逆徑奔江西。一路南康吳城均經失陷，省門危急得

旨派湖北按察使江忠源幫辦軍務，帶領楚勇四千名馳

赴南昌援應賊衆節次攻撲官軍奮力擊退一月之
久省城重圍始解江臬使奉

旨加二品頂戴巡撫張公芾以具奏截餉一事措詞近於

負氣革職其餘各路軍務勤辦數月無甚起色而六

月內鎮江之賊因官兵疎懈乘虛撲出傷亡兵勇不

少營壘數十座全行失陷鄧提軍督率無方奏請革

職効力以和鎮署理江南提督即日帶兵五千馳往

接辦時遠因和鎮節次馳函邀請由楚前來同赴鎮

江連次督師奮力攻擊，斃賊無算。未及旬日，將所失營壘盡數奪回，聲威為之一振。

上海失陷謝繼超自投羅網

八月內，上海鄉約周立春因糧米一事，糾衆倡亂。倉卒起事，官兵猝不及防。上海縣城為其所踞，其南匯、青浦、川沙等處亦相繼淪陷。復有領銀潛逃之已革藍翎勇目謝安邦投入上海，為之指揮，負隅甚固。秦旨派許中丞帶兵前往督勦，屢次進攻，小有獲勝。因聞謝

安邦有投誠之信，何帥急圖居功，特派謝繼超帶領親軍馳往招降。謝安邦籍隸四川，本與謝繼超同鄉。函請謝繼超入城面議，乃稟_並不稟知中丞遽行登梯而入。須臾謝繼超首級懸掛城上矣。始知謝安邦深恨謝繼超，在向營獨攬重權，妄事威福，故誑其進城致死，以洩其忿，並標以榜語。謝繼超窮兇極惡，今已滿盈，特殺之以為天下人除害云云。謝繼超者，四川資陽人也。由書識因夷務案內，在廣東得保未入。

流三十年投効廣西軍營向帥委辦文案倚為心腹
元年賊踞永安屢攻未下謝繼超每於官兵將次收
隊之際執令上馬於營外繞走數次即混稱匹馬當
先揮兵擊賊朦混具稟不數月間保至知府花翎而
遇事招搖納賄營私不一而足如各勇之短數無不
代為遮飾保舉之需索非重賄不能列入故而怨聲
載道物議沸騰嗣因逆匪竄近楚南委令管帶朝勇
繼委抗令經 賽中堂奏恭革職奉

旨僅予軍職不足蔽辜著發往軍台効力該革員即以台費無出刊刻知單於各營散布迨數千金到手之後向帥又函托張署制府以楚北差委乏人奏留鄂省委用隨即派令管帶砲船前赴江口防堵藉得遂其巧詐之謀而金陵逆匪由江口上竄並不堵禦與向繼雄貽誤事機厥咎維均概置不議曾奏

旨飭查竟始終含糊寢事謝繼超先因鄭副將未送台費在九江捏以抗違軍令若非勇敢素著衆兵悅服幾

為所害。該革員於江口失事之後，向帥奏明調赴金陵大營，而作福作威，大權獨攬，氣餒更甚於前。總由向帥信任甚深，故謝安邦投誠一事，並不會商中丞。特派謝繼超前往，豈料天奪其魄，自入羅網而死。有餘辜，本不足惜，但有傷國體，殊不成事。然天之報應，毫髮不爽，洵足儆兇惡而快人心。許中丞奏請照知府陣亡例議卹，此等忠厚待人，非他人所能及耳。

和帥由徐到廬，連復數城。

三二
小陽之初將軍奕經統兵防守徐州以積勞身故奉
旨著和春前往接辦其鎮江防勦事務經向帥奏以已革
湖南提督余萬清代之十一月和鎮行抵徐州將防
堵事宜妥為佈置時兩江怡制府以鎮江防勦得力
奏請飭令和鎮折回辦理當因金陵竄出逆匪分股
攻陷桐城舒城兩邑壽春鎮總兵玉山陣亡前臬司
張熙宇聞警而退奉

旨正法工部侍郎呂公賢基在皖督辦團練殉亂而亡廬

州府城被圍、新任巡撫江公忠源帶勇先期入城、情
形甚為危急、似應先其所急、奏請指調金陵官軍四
千前來、以便帶往援勦、得

旨著陝甘總督舒興阿帶領官軍、由河南陳州馳往援應、
並著和春就近酌帶官兵、刻日前往、著舒興阿撥兵
四千、一並交和春帶往、仍著金陵派撥湖南貴州兵
勇數千名、交秦定三鄭魁士分帶赴廬、統歸和春節
制調遣、和鎮隨帶熱河旂兵一千名、山東青州兵八

百名並隨身親軍數十名星夜趨程行次宿州奉
旨補授江南提督十四日行至合肥縣所屬梁園探得舒
制府統兵萬餘名在距城三十里之岡子集紮營當
即繞赴該處請撥官兵以備攻勦不意婉商再三不
肯派撥十六日在梁園拜摺據實奏聞十七日早行
抵距城四十里店埠即聞郡城於是日寅刻被賊攻
陷江撫軍同藩司劉裕鈐前藩司李本仁池州府陳
源充等及在城文武或臨亂捐軀或被賊殺害和軍

門即就現在之兵扼要紮營以遏北犯奉

旨舒興阿既援救遲緩又不肯撥兵著革職交和春差遣
以漕督福濟調任皖撫會辦勦捕事宜四年正月揚
州大營派副都統薩炳阿帶陝甘官兵千餘名到廬
鄭副將旋帶楚軍前來嗣署理壽春鎮總兵全玉貴
福建提督秦軍門定三先後營帶兵勇來廬並江中丞之
弟江忠濬帶領楚勇二千名為兄報仇旋即移營分
路扼紮二月初三日鄭副將紮營頭敵出其不意督

言
兵進取賊衆迎拒我軍先示以弱待其逼近即揮令
分路包抄殺賊二三千名大獲全勝繼復屢獲勝仗
疊有斬擒隨派秦軍門帶兵專取舒城亦多獲勝四
月克復六安州城全玉貴在廬力仗受傷越數月殞
命奉

旨壽春鎮總兵著鄭魁士補授惟是廬州地方遼濶餉缺
兵單雖節次進勦疊有斬擒而賊勢甚衆拒守極堅
曠日持久屢攻未下且時而兵譁辦理萬分棘手和

提軍日夕焦灼，常以不如速死為念。遠同總理營務鄭鎮軍遇事和衷商籌，盡力襄助，幸兵無怨言，尚能奮力用命，每議及此，總以受

恩深重，雖勢處萬難，總當殫竭血誠，以圖轉圜，斷不可以此存心，致碍大局。彼時尚肯虛心聽從者，左右無小人也。先是廬州失陷之後，有武舉沈廣慶之子藍翎武生沈大誥來營，據稱伊父前奉江中丞委令在城內帶勇守城，現被賊逼降，授以偽職，將來於中總可

設謀以作內應。特來營稟白。和提軍即發交審案。委員候補知縣辛本旃管押。逮後數月無信。辛本旃恐沈大誥脫逃。稟請正法。遠聞此信。即向和提軍力陳其不可殺。無論伊父能否可為內應。無妨留此子以待信息。今忽殺其子。於事無益。始允贖。舊管押五年三月。我軍連破賊壘。斃賊不計其數。六月內突來援賊數萬。分投來撲。勢甚兇悍。和提軍與鄭鎮督同各軍。節次痛擊。殲殪不少。該逆抵死不退。壽春中營遊

擊何朝亮臨陣捐軀。竭半月之力，賊始退走，直奔柘皋。攻撲官軍營壘，為圍魏救趙之計。保井以道府用之翰林院編修李鴻章聞賊大至，帶勇先潰，以致官軍營壘數十座均被破入。兵勇死者不可勝計，僅存河州鎮總兵吉順一營。賊眾徹夜環攻，吉鎮親督陝甘官兵極力堅守，而孤軍無援，勢已危急。和提軍聞此警信，即親帶精兵數千，星夜馳往。官軍用命奮力攻擊，殺賊多名。吉營重圍立解，一面督師分路痛勦。

將所失各營全行奪回。斃賊幾及萬。人次日李鴻章來見。稱譽聲威大振。以軍門為最。而軍門答以畏憚。潰逃。當以閣下為先。報顏而退。大江南北至今傳為笑談。此後廬城賊勢漸窮。九月二十三日。由城內潛出民人羅金貴。周得貴二名。來營面稟。紳民在城被賊辱害。恨賊深如切骨。經紳士沈廣慶。王子顧。徐蓋臣等。與衆密商。擬於十月初一日三更後。舉火為號。內外夾攻。可期得手。沈廣慶等令伊二人潛出到營。

稟知如允准照行請放砲三聲以排鎗三陣繼之使
城內聽聞知伊等到營以便屆期舉事等語和提軍
正慮日久堅城未下忽城內有此義舉出於意外然
深恐逆情詭譎其中有詐疑信相叅不敢遽允商之
於遠遠會同鄭鎮軍將此二人傳至帳中細加查詢
據云城內密議已妥故沈廣慶等令其出城先行稟
報屆期凡屬民人皆以白布裹頭為記如何動手如
何協同官軍殺賊歷歷如繪反覆盤詰所說如一當

令將商辦情形詳細寫出情詞甚為真摯毫無疑似
且與沈大誥前言相符當以確然可信力請速允不
可失此機會和提軍方准照行初一日午刻大砲三
聲之後繼以排鎗是夜三更我軍分路齊進距城附
近一帶潛伏忽城上鎗砲如雨官兵愕然以為走露
風聲伏至四更鎗砲不止即欲收隊回營遠意兵勇
衆多雖潛伏以進而憑高靜聽總有聲息故賊頻開
鎗砲恐我軍襲其城也其內應一節該逆未必知覺

隨即專人飛致和鄭二公。無論真偽。必須候至天明。如城內並無舉動。方可收隊。此信到時。恰值城上鎗砲無聲。俄而城內四路吶喊。官軍在城下一齊接應。登時火光四起。官兵沿梯而上。守城賊匪夢寐驚覺。不知官兵多少。我軍刀砍矛刺。立殺多名。頃刻之間。滿城喊殺聲振山谷。逆匪多已睡熟。猝不及防。開門奪路。紛紛奔逃。自相踐踏。官兵會合衆民。盡力刺殺。和帥同都統麟瑞。常清。鄭魁士等。扼住各要口。痛加

勦洗計斃賊三萬有奇生擒二千餘名於初二日丑
刻將廬州府城克復衆志成城真紳民之力也即日
拜摺報捷得

旨和春調度有方著賞穿黃馬褂並騎都尉世職福濟協
力同心著賞加太子少保銜頭品頂戴鄭魁士賞加
提督銜常清開復革職處分麟瑞賞加頭品頂戴江
忠濬以知府即選賞戴花翎其餘將士文武及沈廣
慶等均加升賞

逆匪北竄

賊匪占踞廬州之後於四年二月分股攻破六安隨陷霍邱歷額上直趨河南豫省防堵官兵無多被其闖入未幾懷慶府城猝爾不守奉

旨大學士直隸總督訥爾經額著授為欽差大臣統兵前往督勦官軍節次進攻斬擒甚衆賊勢漸蹙我兵四面合圍日夕攻打該逆無計可施於九月初寅夜開城潛逃官兵截擊斃賊數千名將府城克復飛章報

捷得

旨訥爾經額著賞穿黃馬褂、雙眼花翎。詎餘賊一路裹脅，竄入東省、高唐州等處，徑趨山西。晉省防兵甚少，賊匪突至，堵禦不及，以致平陽府城倉卒失陷，占踞未久，即全股竄至直隸，連失數縣，奉

旨賊匪由豫北犯，竄入直省。訥爾經額未能先事預防，著革職拿問。嗣逆匪由靜海獨流攻破天津，經官軍跟剿，殲殪何止萬人。該逆轉至馮官屯據守。

欽派僧師統領滿漢官兵勦辦我軍晝夜環攻殲擒不少
隨開挖長壕四面合圍賊勢窮促屢次乞降不准十
二月僧師親督官兵攻破賊巢殺賊不可勝計並生
擒逆首李開方及賊目多名當分別檻送京師以極
刑處死並於軍前正法旋即凱撤奉

旨僧格林沁勦辦有方著世襲王爵其餘各文武均大加
陞賞

蕪湖得而復失甯國旋亦不守

四年夏間，蕪湖逆匪特出滋擾，鬼蜮伎倆，意在窺伺甯國府城。向帥派已革提督鄧紹良、總兵明安泰各帶精兵三千，前往攻勦。該逆分股迎拒，我軍兩路痛勦，斃賊無算，賊衆死力抗敵，官兵屢攻屢勝。隨即四面合圍，該逆計窮欲遁。鄧明二公揮兵不分兩夜，四路設伏，賊匪潛出，官軍迎頭截殺，屍橫遍野。立將該縣城克復，奉

旨鄧紹良著賞給提督銜，明安泰交部從優議敘。未及兩

月逆匪乘蕪湖官兵不多大股突至以寡不敵衆被其破入逆匪即分途直撲甯國守城兵力甚單郡城旋亦失守添派記名總兵蔡應龍副將銜遊擊楊瑞乾等帶兵往勦於離城七十里之油榨溝紮營此地四面皆水未及進攻夤夜為賊合圍蔡楊二將同時陣亡官軍死者數千人嗣經鄧提督統領兵勇隨時攻勦屢有斬擒五年三月內我軍殺入城內殲殪不可勝計即將府城克復奉

旨鄧紹良著補授陝西提督其餘在事出力文武陞賞各
有等差先是上年秋間金陵賊匪不時出撲向帥率
師攻勦於雨花台七橋甕等處連獲勝仗該逆撲犯
東壩總兵德安帶兵攻打殺賊極多旋即奪回厥功
甚偉奉

旨補授湖北提督惟成都將軍蘇布通阿因督兵進勦為
火藥燒傷越日殞命總兵馬龍因病身故許中丞督
勦上海日久無功革職以江蘇藩司吉爾杭阿陞授

江蘇巡撫接辦勦捕事宜未數月上海克復得

旨吉爾杭阿著賞加頭品頂戴並賞勇號首犯周立春謝

安邦均生擒凌遲處死時揚州為官軍合圍賊勢窮
促十一月該逆竄出即將郡城收復副將馮景尺未
能堵禦經琦相奏請正法秦軍門督師舒城四面圍
攻六年正月十四日寅刻官軍破入殲擒賊匪幾及
萬人將縣城克復奉

旨秦定三著賞給騎都尉世職總兵音德布珠克登郝光

甲均開復原官

湖北省城二次失守

三年八月、江西省城解圍、逆匪上竄、廣濟縣屬之田家鎮、我軍營壘數十座、被其攻破、遂直撲漢口、屯聚多日、官軍節次奮力痛勦、殲殪無數、該逆始黃夜退去、四年春間、賊衆由九江攻破黃州、制府吳公文鎔力戰捐軀、死傷官兵不少、該逆直撲漢皋、旋亦淪陷、六月初二日、武昌省城又復失守、巡撫青麀因平日

待兵甚厚。賊將入城。為衆兵救出。自應奏請治罪。一面請兵救援。乃並不具奏。遠赴湘南。奉

旨以聞。警先逃正法。藩司岳興阿。臬司曹懋堅。及在城文武。竭力禦賊。均以力盡捐軀。賊踞省門之後。各鄉擄掠。戕害生靈。慘不忍聞。是年楚省收成歉薄。糧食不繼。我軍無分兩夜。叠次攻打。賊勢難支。八月二十五日。該逆開城而逃。專擄漢口婦女無數。官兵攔截殺賊無算。放回男婦多名。即於是日將省城克復。其黃

州九江等處亦相繼而復奉

旨荊州將軍台湧著補授湖廣總督江蘇布政使陶恩培
補授湖北巡撫臬司夏廷樾補授湖北布政使

武昌省城三次失守

鄂城二次克復後官軍於黃州以下節節防堵年餘
以來地方安靜惟宜昌襄樊土匪竊發台制府未能
預防革職五年正月官兵在九江防所慶賀新年終
夕飲酒遊戲為賊所窺須臾大股突至兵勇不戰而

潰兩湖楊制府需。在黃州聞警，帶兵折回，並不駐省。賊衆跟踪而至，先破漢陽，旋踞漢口，殺戮甚慘。省門兵勇無多，於二月十七日被賊破入。楊制府引虎入室，革職巡撫陶公恩培，禦賊力竭被戕。在城文武死亂不少。總兵王國材帶兵殺入城內，斃賊甚衆。一面請兵接應，以圖恢復。胡撫軍駐兵漢口，猶豫不信，未經撥兵援應，以致復失。該逆於攻陷省城後，即分股直撲岳州、連陽數邑，計圖暗襲長沙。經在籍侍郎曾

公國藩、總兵搭齊布、道員李孟羣等合力痛勦、大挫賊鋒、該逆敗北、我軍跟追、布政使銜湖北臬司唐公樹義、由鄂帶領砲船、迎頭截擊、於金口江面被賊砲傷、落水捐軀、布政使銜浙江甯紹台道羅澤南、帶勇攻城、身受鎗傷、越日殞命、制府官公以荊州將軍補授、督率官軍晝夜環攻、竭數月之力、賊勢窮促、欲遁、乃先將漢口數十里層街疊市、焚燒盡淨、又將省門黃鶴樓、聚薪焚燬、以數千年之古蹟、一旦毀為平地、

為神人所共憤。天理所不容。即愚夫愚婦皆知其斷
難久存者也。十月二十四日夜。賊衆開城潛逃。官兵
截殺無算。於是日克復省城。餘賊盡奔九江而去。得
旨官 著賞加太子少保銜。補授協辦大學士。巡撫胡林

翼著賞加太子少保銜。頭品頂戴。曾國藩著補授兵
部尚書。搭齊布補授湖南提督。楊載福補授福建提
督。在事人員均加陞賞。

捻勢復張。官兵攻破三河。並復廬江。

皖北擒匪時而聚集到處搶掠經三品京堂袁甲三
統師勦辦叠次痛擊殲擒不少其勢已衰無何因截
餉銀一事為福中丞所劾奉

旨革職交怡制府查奏因而擒勢又張和帥奏派鄭軍門
帶兵往勦而擒匪甚衆兵力過單四月內在懷遠為
賊衆圍身受數十傷奉

旨賞穿黃馬褂並頒給如意拔毒散和帥率師攻打三河
逆匪負隅甚堅得副將程智泉等揮兵日夜痛擊斃

賊無算。八月十八日，該逆勢窮欲遁。我軍四路設伏，賊衆於三更後潛出，官軍截殺，殲擒將近萬人。隨將三河克復。惜程副將於先三日陣亡。餘賊竄赴廬江。和帥督兵親往，賊出迎拒。我軍奮力刺殺，逆勢潰敗。官兵進入城內，殲殪殆盡。於二十日，將縣城克復。具摺上陳，得

旨和春於三日之內，連復兩城，奮勇可嘉，著賞給御用班指銅管荷包等件。惟是年五月賊匪竄擾甯國，勢甚

猖獗金陵節次撥兵往援仙鶴門外一帶兵力較單
乃大股逆匪乘間突出官軍以寡不敵衆連失營壘
賊勢鵠張不得已棄句容以全軍退守丹陽逆衆跟
蹤而至向帥督同總兵張國標奮力督勦連獲勝仗
奪毀賊營多處殺賊數以萬計勢窮而退蘇常危而
復安奉

旨向榮未能先事預防著革職暫留督辦軍務將軍福興
著幫辦軍務張國標著賞加提督銜幫辦軍務七月

向帥以積勞身故奉

旨交部從優議卹。和春著授為欽差大臣。未到以前著怡良署理。其皖省軍務交鄭魁士接辦。旋復巢縣無為州等處。

和帥督辦江南軍務

九月和帥移節丹陽。途次金椒馬失前蹄昏跌倒地。逾時方醒。休養一日。二十三日行抵丹陽。二十四日接收大臣關防奉

旨福興著馳赴江西會辦軍務十月十六日和師紫營勾
容十八日督師進攻急圖直逼城下左膀被賊鎗傷
奉到

硃批主帥專司調度不應親身赴敵著賞給如意拔毒散
十一月因兵勇缺餉數月蘇省每月只給銀四萬兩
他省協濟多未解到望餉甚殷本省不肯籌給具摺
上陳得

旨怡良著來京兩江總督著何桂清補授江蘇布政使何

俊著原品休致七年五月何制府到任並調新授雲南糧道王有齡前往上海清理關稅籌畫餉項極力查辦未及兩旬而餉銀已旺每月竟可得銀四五十萬兩足敷軍興之用士卒飽騰軍心鼓舞出於意外未幾王觀察陞授江蘇臬司而溧水縣城經總兵傅振邦督師攻勦於五月內報捷其句容縣城和帥親督進取閏五月二十二日亦已克復先後奏報奉旨和春著賞加太子少保銜加三等輕車都尉張國棟著

賞穿黃馬褂即應移師攻取鎮江先經張邦辦帶兵
前往時前任江蘇巡撫許中丞奉

旨著賞給三品頂戴赴和春軍營辦理文案到營後和帥
具摺奏保得

旨著幫辦江南軍務七月和帥移營鎮江會同張邦辦節
次攻勦斬擒逆匪不可勝數該逆屢被懲創其計已
窮十一月十八日三更賊衆潛遁官軍追殺無算旋
將郡城克復其揚州軍務先係琦相督辦總兵瞿騰

龍等陣亡。嗣琦相以積勞身故奉

旨派將軍托明阿接辦。侍郎雷以誠幫辦。又因進剿失利。改派都統德興阿督剿。幫辦軍務。雷公以誠因失察。其婿在營舞弊。於揚州置買產業。經德帥奏參革職。遣戍。十一月十八日。揚城瓜州之賊盡趨南岸。兩城亦於是日收復。奉

旨和春著賞戴雙眼花翎。晉加二等輕車都尉。德興阿著賞穿黃馬褂。騎都尉世職。張國棟著賞給騎都尉世

職許乃劍著賞戴花翎

我軍攻克秣陵後賊犯灣沚官兵失利

七年十二月全軍移紮金陵逆匪不時突出我軍痛
擊疊有斬擒八年二月賊衆竄踞秣陵關和帥派翼
長王浚等帶兵往勦總兵虎坤元臨陣捐軀官兵連
日進攻奪獲賊營多處殲擒不少將秣陵關奪回留
副將陳步高帶兵駐紮和帥以張幫辦調度合宜奏
請鼓勵得

旨和春著晉加太子太保銜。張國樑著賞戴雙眼花翎。許乃釗著以三品京堂候補。王浚著記名以提督用。隨將金陵城外開挖長濠一道。深寬二丈。按段派撥官兵駐守。四月內江西逆匪竄至浙境。江山常山兩縣繼失。直撲衢州。經福將軍帶兵赶到。督率登陴守禦。節次攻勦。大腿受傷。將賊擊退。府城解圍。賊衆撲犯嚴州。郡城失陷。金華杭州一帶勢甚危急。奉

旨和春著兼辦浙江軍務。酌帶精兵數千馳往督勦。因先

期患風疾陳明侯病痊起程一面揀派總兵周天
培明安泰副將朱承先選帶精銳兵勇數千馳赴會
同總兵周天受李定太等勦辦明鎮在金華以積勞
身故未幾連復數城浙境全清餘賊竄往閩中周天
培帶兵追擊殺賊甚衆軍務告竣奉

旨周天受著補授湖南提督周天培著記名以提督用李
定太著加提督銜朱承先著記名以總兵用十月內
外來逆匪竄至小丹陽一帶擄掠經總兵戴文英等

帶兵前往，節次痛擊，斃賊無算。餘賊紛紛竄逃。傳聞
蕪湖逆匪將有蠢動，速請飭戴鎮督兵駐紮小丹陽，
不必急急回營。此處與金陵甯國均相拒，不遠恰係
適中之地，有此一軍，足以壯聲威而杜窺伺。如逆匪
來犯，可以就近策應。和帥頗以為是不數日，張副帥
力請調回，甫到金陵，而蕪湖賊衆竟由小丹陽直犯
灣沚，攻撲官軍營盤。鄧提督飛檄告急，一再而三始
派戴鎮帶兵往援。惟賊多而悍，我軍先後接仗，未能

四二
取勝十一月十四日、以寡難抵衆、被賊連破營壘、鄧
提督戴鎮軍均力戰陣亡、死傷士卒不少、幸郡城得
保無虞、奉

旨、浙江提督著鄭魁士補授、督辦皖南軍務、鄭提軍接事
後、清查勇數、修理軍裝、革除軍中一切積習、因循疲
玩者、予以嚴懲、奮勇出力者、量為褒嘉、軍威為之大
振、閭閻賴以乂安、洵稱紀律嚴明、逆匪不敢窺伺、九
年六月、因催餉措詞過激、為浙江巡撫胡興仁所劾、

奉到

寄諭著和春查奏嗣具摺覆陳謂與撫臣意見不合似未
便仍令督辦云云奉

旨皖南軍務著另行揀員接辦和帥請以湖南提督周天
受統兵督勦以鄭提軍防守東壩均如所請行未幾
復奉

旨胡興仁著來京胡公卸事後請假回籍因先有湖州紳
民在京具控終日在署演戲不理政務等款奉

旨著嚴查具奏不准回籍

六合失守

六合斗大孤城逼近江浦浦口與金陵一江之隔三年春間賊陷江甯省城署知縣溫紹原督率團練登陴守禦官民一心防備甚固逆匪疊次來撲無不立時擊退因屢著奇功節次奏獎奉

旨以道員補用隨又加鹽運使銜八年七月安慶桐城之賊竄陷舒城後浙江布政使李續賓陣亡廬州旋亦

失守，巢縣因而復失。德帥時督兵浦口，和州賊衆大股突至，官軍迎勦失利，全軍潰散。自應收集兵勇，力保六合。豈意官兵退至仙女廟邵伯一帶，置六合於不問。溫道節次請援，德帥一兵不發。和帥於金陵大營派撥兵勇三千餘名，委總兵馮子材管帶渡江，援勦賊衆來撲，未能取勝。旋又添兵三千，不料為賊所乘，連次大敗。而六合已被合圍，望救如切雲霓。和帥焦急萬狀，時遠因病在丹陽就醫，和帥馳函相商，即

答覆以馮鎮甫膺專閫獨當重任未免呼應欠靈亦合與金陵本唇齒相依亟應添兵援救若再令馮鎮勦辦軍失銳氣萬難得力必須另選精兵數千移請張副帥帶往先解六合重圍一面移撥鎮江官兵駐守揚州以防他竄兩面夾擊六合可保無虞幸勿遲緩云云此八月二十八日事也和帥接閱此信頗以為是遲至九月初五日始同張副帥商定詎張副帥與溫道不甚浹洽初七日帶兵起程不由龍潭橋過

江直抵六合、乃遠赴鎮江、又將防守鎮城官兵撤回、金陵聲言先顧揚州、渡江之後、因萬福橋為賊拆倒、運木搭橋、耽延五日、初九日、遠病痊到營、問何以不由龍潭橋渡江、先救六合、和帥無詞以對、再請撥兵往救、含糊不應、張副帥帶兵到揚、僅存空城、並無一賊、於是粉飾其詞、飛檄報捷、十六日行抵儀徵、亦無賊踪、又復飛報捷音、蓋大股盡趨六合、我軍名則先顧揚州、實乃避重就輕、如此存心、真令人為之痛哭。

後竟以克復揚州、聲請獎勵、誠為可笑也。十八日早、統兵進發、途次聞警、逆匪已於是日寅刻、轟開地道、而入縣城已失。宣化鎮總兵羅玉斌、同溫道並知縣李守誠、及辦理營務之藍翎同知銜湖南候補知縣馮銘本等、督兵巷戰、均以力竭被害。溫道之妻褚氏、次子知縣溫輔材、同時殉亂。守城官弁、兵勇死者、不計其數。東壩一帶、賊匪知溧水官兵分撥江北、乘虛而至、我軍以寡不敵衆、縣城亦於十八日失陷。總兵

虎嵩林督勦不力、和帥奏恭革職、即派總兵張玉良等帶師往勦、連次獲勝、殺賊多名、未及一月、於十月十四日、將縣城克復、奉

旨張玉良著賞加提督銜、

和帥兼辦江北軍務

廬州府城於八年七月復失之後、秦軍門鄭鎮軍先已奉

旨飭赴金陵協勦、福中丞奏請於江南大營揀派得力夫

員前往勦辦、和帥請以防守東壩之湖北提督德安
馳往督勦、正值逆匪竄陷全椒、直撲天長、德提軍帶
兵往攻、為賊所乘、臨陣殞命、縣城旋即失守、奉

旨湖北提督著周天培補授、特奏軍門以積勞成疾、在漂

水軍營身故、嗣擒首薛小占、踞江浦縣城、赴水營遊
擊賴鎮海處投誠、情願獻城、經張副帥轉請和帥酌
定、准其投降、隨據將城池獻出、所部六七千眾造冊
作為義勇、其餘婦女幼孩亦按名月給口糧、薛小去

逆效順、真心向化、取名薛成良、奏請

賞給三品頂戴花翎、以次頭目人等、均有陞賞、賴鎮海以副將即補加總兵銜、即令專守江浦、周軍門由閩折回、帶領官兵紮於江浦要口、以資控制、藉圖進取、六合十月二十等日、逆匪連日寅夜來窺、均經隨時擊退、無如逆情詭譎、時而半夜吶喊、時而間開鎗砲、並四路潛伏、驚擾不休、周提軍急圖滅此醜類、帶領八成隊伍、分途轟擊、該逆且拒且退、官兵追趕深入重

地伏賊齊出、時值黑夜、我軍進退無路、連失營壘數十座、周提督年未三旬、勇敢素著、身先士卒、屢立奇功、竟以力^竭杖陣亡、將士死傷不少、深為惋惜、但夜不興兵、古有明訓、不料因此誤事、未免有失計算、所謂勇有餘而謀不足也、時張副帥紮營江浦、相離不遠、聞警往援、已在事後、揮兵堵禦、幸江浦縣城得以無恙、奉

旨湖北提督著王浚補授、九年二月奉

旨德興阿於上年六合被圍、不為援救、著革職、和春著兼辦江北軍務等因、和帥以獨當一面、難得其人、相向遠籌商、遠以鄭軍門謀勇兼優、可勝此任、和帥深以為可、轉商張副帥王翼長、均為不然、蓋素與鄭不和、以致和帥游移不定、先令總兵張玉良帶兵渡江、旋又加委總兵熊天喜前往會辦、時有候補提督鞠殿華威逼叅將冷震東自縊身死、捏報病故、和帥飭查該提督畏罪、旋亦自盡、張副帥力保廣西提督李若珠

幫辦軍務和帥即奏請帶兵渡江未幾紮營六合其紅山窰要隘為我軍出入咽喉不為派兵扼紮乃逆匪以大股搯住官軍出入無路被賊圍住多日張副帥親帶官兵屢攻不能解圍一月之久糧食火藥已盡殺馬而食兵勇竟有餓死者李若珠無法突出得遊擊詹啟綸假以逆匪旂號晝夜繞道混出重圍惟官軍萬餘之多李若珠並不知會一同衝出可憐死於賊者六千有奇僅餘三四千人而已忍心害理誰

不為之痛惜該提督本非勇敢之將早知不能勝此重任如此債事並不據實嚴恭且復代為掩飾軍威不振所以人心解體也

克復九袞洲並上下關

咸豐九年歲在己未六月既望張副帥國樑以金陵城內賊匪不多六合浦口逆黨亦甚寥寥其機可乘如能籌餉五十萬添勇一萬名會合現在官兵四面合圍斷賊接濟三月之內可期成功和大帥聞之甚

喜連日商議斟酌再三張副帥翊然自任屢稱確有把握和帥即欲親赴常州與何制府面商並邀遠同往當以金陵逆匪無多自應趕緊添兵水陸合圍以遏外援而復堅城但地方遼濶圍勦誠非易易許以三月為期言之太速賊情時有更變恐難有此把握況現值餉銀支絀籌畫維艱而大營兵勇數本不足此時新募既須精銳尤當足數方可制敵以期一鼓而下萬一稍有不實不盡即不能應期成功未免難

以對人必得籌計萬全再行前往和帥急圖成功遂以遠信為過慮遠因意見不甚相合未便偕行和帥隨於六月二十六日前赴常州七月初一日轉回大營據云已向何制府及王方伯商定允籌餉銀五十萬兩趕緊解營未及一月陸續解到即派游擊姚紫陵陳定安等數員攜帶銀兩赴廣東潮州一帶招募一面由翼長王浚就近招募嗣復會商欲克金陵必得先清皖南而甯國府為浙省門戶我軍圍攻金陵

逆匪必犯甯郡。若金陵分兵往援，仍被牽制，勢難殊屬棘手。不如由浙亦籌餉五十萬，添勇一萬名，嚴防甯國，縱援賊大至，兩路攻勦，不難得手。商定後，許中丞即於七月杪回杭籌辦。未幾信至，悉如所議辦理。旋即籌餉五萬兩，委解到營。不意九月內，江浦逆勢披猖，周提軍督勦失利，連陷營壘，力竭捐軀。許中丞來信，謂浙省官紳以和張二帥自顧不暇，焉能兼顧浙江。所議籌餉五十萬添勇之舉，似難照行。和帥與

許中丞不合、即由此起、未幾中丞之子花翎陝西候補同知許繹躬、姪曾孫花翎運同銜海州運判即補直隸州知州許寶書、請假回籍、未赴和帥處稟知、十二月內、和帥即以私行出營、一並奏參革職、張副帥同合營文武、婉求再三、堅不允從、雖係公事、而過於認真、未免大失忠厚也、十年正月、探得九秋州逆匪多赴上游、其勢可乘、隨傳令水陸並進、連日攻勦、疊獲勝仗、初九日寅刻、我軍四面圍攻、逆勢不支、紛紛

奔逃官軍痛擊殲殪不計其數遂於是日黎明將九
袞洲克復飛章馳奏奉

旨和春等勦辦有方其最為出力之總兵黃彬等均賞給
勇號其餘在事出力文武著查明保奏正在開單列
保間因閏三月十五日金陵兵潰未及奏獎九袞洲
克復之後軍威大振賊膽已寒旋有賊內偽職秦禮
國謝茂廷遣人赴總兵熊天喜營內請降獻上下二
關並云已通知城內及雨花臺等處接應乘其無備

即可殺入、則金陵舉手可得、熊鎮稟知和帥、飭即安
辦、詎翼長王浚、以此事不應逕稟大帥、迨二月初二
日、四鼓進兵、上下二閤、已據獻出、正可乘機殺入城
內、乃王浚帶兵數千、並不前進、使熊天喜、孤軍深入、
其勢不支、幾為所陷、旋即退出、其江東橋、雨花臺、接
應之人、為賊窺破、次日殺害殆盡、此王浚心懷忌刻、
大失事機之實在情形也、乃和帥不責王浚之有意
誤事、轉斥熊鎮之禮節未週、溺愛不明、至於如此、以

致急切不能成功、實乃自速其死耳、秦禮國謝、遂
投誠可嘉、奉

旨均賞四品頂戴花翎、即令防守九袱洲、以獎其勞、

賊陷杭州、金陵派兵往援、旋即收復、

金陵大營、自九袱洲克復、並上下關收復之後、官軍
水陸合圍、逆匪接濟已斷、屢有賊刻裝載糧食、晝夜
偷行、疊為水師所獲、斬首甚衆、城內米糧殆盡、賊衆
驚慌、先則殺馬而食、繼而餓死不少、逆勢實已萬分、

窮蹙德勝門、雨花臺等處、屢有大股來撲、意欲衝圍而出、均為我軍擊退、該逆被圍緊急、無計可施、已成阱獸、外賊因無法攻入、遂糾合上游死黨、由蕪湖直趨南陵、分撲涇縣、歷灣沚、奔犯廣德州、詎一路兵不甚眾、被其連陷數城、廣德為浙省門戶、既被占踞、則湖郡杭州、同時戒嚴、無何長興又被攻破、泗安亦復失守、官兵屢敗、該逆一路裹脅、人數既眾、到處賊踪、如入無人之境、迺犯杭州、金陵於未得警信之先、即

就解到銀五萬兩、招募新勇二千名、派員管帶馳往、
聽候調遣、而何制府告急之信、一日數次、又派總兵
朱承先、帶兵勇二千、馳赴援應、再派浙江提督鄭公
魁、士管帶官軍四千、由宜興赴長興、杭州一帶迎勦、
此起官兵、甫至宜興、因值天雨、借居民間空房、就便
取其柴薪、該縣紳士、以兵勇騷擾、並云鄭提軍管束
不嚴、和帥連接制府來信、不得已將此軍撤回、此大
錯也、隨派副將馮日坤、帶領三千餘名、防守東壩、

顧建平以千餘名令鄭軍門帶赴溧水另飭總兵劉
季三帶兵三千駐防宜興而杭州警報頻至和帥又
飛飭記名提督張公玉良由六合帶兵二千即日渡
江赴浙援勦張提軍統兵將次到杭正值逆匪圍攻
湖州甚為喫緊遂即馳往會合水師總兵曾秉忠紳
士趙景賢連日痛擊斃賊無算城圍立解隨即帶兵
赴杭途次聞信浙省已於二月二十七日為賊攻破
幸滿城得瑞將軍昌督同旂營官軍防守甚嚴逆匪

日夜環攻均為旂兵擊敗斃賊不少何制府在常聞警又飛致金陵大營多派官兵往勦維持江南江北存兵無多無可再抽於是再三籌商將江浦縣城退出可抽兵勇數千分赴各要口防守一面揀派壽春鎮總兵熊天喜帶兵三千馳浙會勦杭省失陷後巡撫羅公遵殿署運使繆梓杭嘉湖道葉堃甯紹台道仲孫懋候補道許琅杭州府知府江士松仁和縣知縣李福謙等或城破身殉或禦賊戕害省門紳士如

前侍郎戴公熙等並男婦大小或臨亂捐軀或罵賊
身亡死者不可勝數三月初一日張提軍帶兵赶到
知滿城未失立即派人設法入城知會將軍內外夾
攻賊衆見我軍突至不知多少共相驚愕官兵痛擊
賊死甚衆餘皆敗走於初三日卯刻將杭省克復捷
書上陳奉

旨瑞昌著賞穿黃馬褂賞戴花翎張玉良著賞穿黃馬褂
賞給騎都尉世職用示褒嘉惟臬司段光清先期出

城著革職拏問隨奉

上諭浙江巡撫著王有齡補授廣西提督著張玉良補授

浙西敗賊回竄金陵兵勇不戰而潰

杭州省城經張軍門會同瑞將軍克復之後敗賊竄回歷泗安廣德一帶分撲甯國建平先經金陵大營札飭副將梁克勳帶兵勇三千扼守高淳副將馮日坤帶兵三千有奇防守東壩兼顧建平乃未到東壩而建平已被賊破梁克勳聞警潰退其東壩旋即失

守賊勢蔓延於是溧水被圍句容戒嚴金壇宜興同時告急常州警信頻至和帥又於江北抽派兵勇二千交副將劉成元管帶由常郡前赴金壇會同叅將艾得勝周天孚所帶之兵加意防堵一面飛飭總兵劉季三嚴守宜興惟句容相距金陵甚近又係大營後路必須揀派得力大員選帶勁旅數千方足以資捍禦躊躇再三據翼長單開請派梁克勳帶原部兵勇三千前往防勦遠當以梁克勳係新敗之將所部

兵勇此刻數不滿千、且軍械多已遺失、萬不足恃、和
帥答以無人可派、遠又云副叅中尚有可用之人、他
人皆可派、獨梁克勲不可派、務請另揀得力之員、以
免愆事、和帥即怒形於色、請遠揀派、遠復以此係全
局所關、若句容有失、大營後路已斷、丹陽無重兵扼
守、萬一被其突至、蘇常休矣、遠本幕賓原不應妄叅
末議、今不避嫌而言、出於萬不得已、非我一人私事、
尚望斟酌為是、和帥始改容云、所見何嘗不是、此時

暫且派去。如不得力，再行更換。梁克勳帶勇前往，並不登陴守禦，亦不在城外紮營，各勇散居民房，閏三月初三日，溧水賊匪分股直撲句容，署知縣候補知府趙廷銘聞信親往，會同梁克勳赴城外山頭瞭望，見黃旗紛紛而來，趙廷銘本帶有團練三千餘名，立請梁克勳派隊迎擊，該副將答以回城派隊，不料竟帶勇出城而去。維時賊來愈近，勢極兇猛，鄉勇迎抵，被賊傷斃多名，力不能支，因而敗退，縣城旋即失守。

句容既失、大營後路已斷、和張二帥同王翼長籌商、派記名總兵張威邦帶兵勇三千餘名紮營溧化鎮、以扼賊之來路、張威邦所帶兵勇三千有奇、實則不過一千餘名、且該副將素非勇敢、因係翼長門生、派充營務處、向無戰功、疊邀保擢、帶勇駐守溧化、並不紮營、初七日午後、句容賊匪突至、張威邦一聞警報、即帶兵勇退回大營、溧化鎮遂為賊踞、相隔金陵僅二十餘里矣、和帥始將該副將同梁克勳一並奏參、

革職留營。所短勇數。並不飭查。初八初九兩日。該逆在於相離大營數里之馬鞍山頂。遍插旂幟。十一十二等日。天氣晴朗。賊衆下山。漸次逼近大營。不過二三里之遙。分為數股。往來游奕。每股約三四百人。通共不及五千之衆。多無器械。尚有在山腰排立。執藍旂者。二股以千里鏡照之。盡係婦女。遠出營看視。確切不移。是賊並無多大半裏脅。即請派隊迎擊。如酌量許以獎賞。定可一鼓殲旃。和帥云。此賊勢已窮蹙。

俟其再游兩日、乘懈擊之不難、一仗成功何必急急、
究係文官、胆怯、其實不足慮也。速又云、此賊數本無
多、已於山上山下、往來四日、不可謂不懈矣、若再遲
遲、逆情多詐、恐防有變、和帥即大笑拂衣而起、不復
回答、此合營所共知也、不意十二日夜間大雨、十三
十四兩日晝夜不止、十五日立夏、辰刻風雨交加、魚
帶水電、城內逆匪被圍緊急、見外援已到、遂大股突
出、連拋火罐、落於副將雷安邦營內、火藥轟發、人聲

鼎沸。登時大亂。梁克勲、張威邦營盤均在附近，並不開放鎗砲。即帶兵勇潰退。營外溧水、句容等處逃來難民甚多。一見營內兵勇潰出，扶老攜幼，哭聲振天。援賊乘勢撲至，內外夾攻。頃刻之間，得勝門至江邊一帶官軍營壘五十餘座，全行失陷。陝西延綏鎮總兵黃靖、副將馬登富、雷安邦等均歿於陣。文案委員候補中書陳克家、山東候補州判吳士諤、擬保知縣河南即補府經歷馮慶祥等，俱禦賊而亡。官兵死者

數萬人、張副帥聞信馳往、將上方橋拆斷、東路各營始得瓦全、逆匪內外既通、重圍已解、其勢復張、我軍功敗垂成、雖由軍心不固、而大帥懷諫、出人意外、乃外寇臨門、不肯攻勦、觀望遷延、坐失機宜、遂使前功盡棄、尚復諉之於數、誤國殃民、能不為之痛哭、張副帥由上方橋收隊回營、滿擬會商、必有良策、據稱橋已拆斷、可以杜賊來路、大帥營盤可期無虞、即匆匆而去、旋聞附近各壘多有帶隊出營者、僅存小水關

數營孝陵衛一二營而已。遠向大帥云：從前向帥金陵兵潰，係由寡不敵衆，彼特餉銀尚充，故從勾容退守丹陽，得以保全。蘇常今則軍心渙散，情形不同。且後路節節皆賊，兵勇大半潰退，大營已成孤注，逆勢又復鴟張，設大股來撲，斷難抵禦，不如暫退鎮江軍火器械尚多，張副帥營內現存銀十萬有奇，可以先行散放，以安衆心，然後重整軍威，嚴守丹陽，以顧蘇常。徐圖進取，仍可轉敗為功。和帥云：金陵地勢遼闊。

圍勦本不易易、今上方橋以南、既為賊有、我軍駐紮
小水關、地面不寬、守之尚易、即可進勦、何必退往鎮
江、遠又婉言至再、和帥即怒容滿面、不復作答、遠隨
往許幫辦處、懇其轉勸、迨婉商再三、堅不允行、復往
請張副帥、公同商計、不意甫經言退、大帥即怒形於
色、拂衣而走、二更時、外間警信頻至、皆云左近營盤
大半空虛、大營危在俄頃、遠復向和帥婉言、乃聲色
俱厲、以大局並不為壞、何必急急退兵、不念十年之

交定以軍法從事。

遠

又云如果無此一漬、平空惑亂、

自當處以軍法。但大營已成危卵、不得不暫且退軍、

以圖恢復。言未竣、大帥云、如賊來撲、我惟有一死而

已、不必多言。即解履上牀矣。未幾、營外數處火起、僉

稱兵勇焚營退走。旋聞鎗砲不絕、人聲喧譁、探得逆

匪已大股出巢、攻撲孝陵衛街口營盤。經叅將羅大

春督兵轟擊。頃而鍾山遍處皆火、勢已危極。總理營

務處副將銜叅將廣霖、請大帥速起。而大帥猶然酣

睡復經其甥副將常亮巡捕遊擊王傳訓都司候定
貴徐坤等將其喚醒告以危急情形尚復不起請之
再三始穿衣上馬出營維時遠與許中丞得知隨偕
候補知府朱守履恒踉蹌奔出漏夜就道雨濕路滑
一路顛撲狼狽不堪一切衣物以及歷年所辦奏章
並筆墨事件盡棄營中傷哉苦哉十載心血一旦拋
却能不痛惜而張副帥營内存銀十餘萬軍火局內
所存鎗砲火藥鉛子等項不計其數盡以資賊明知

勢成孤注、百法婉勸、不肯退兵、究不知是何意見、十六日黎明、行至石埠橋、和帥派巡捕侯定貴、邀請上船、當云、昨日言語唐突、幸弗見怪、晚間船抵鎮江、十七日入城、張副帥在高資、收集兵勇、同日到郡、嗣各文案委員、暨書識人等、先後到鎮、無不鵠面鳩形、知其連日凍餓、遠手無分釐、隨向大帥借銀、不允、且復聲色俱厲、催其作速辦事、後得江北大營糧臺委員李守慶琛、專人送到工食銀兩、始得分給、和帥以金

陵兵潰措置乖方自行奏請從重治罪張許二郡辦
亦請交部議處後奉

旨和春著拔去雙眼花翎革職暫行留任張國樑著革職
暫行留任許乃釗著降為四品京堂

賊撲丹陽常蘇繼陷

金陵大營軍心既已渙散雖云功敗垂成實由發餉
過遲當即飛飭糧臺速籌餉銀星夜解營以便散給
而固軍心不料糧臺過事拘泥始則須點驗人數繼

又應造具清冊往返登復已逾旬日尚無餉銀以致
兵心怨益加怒一面飛調援賊官兵趕緊折回隨據
總兵熊天喜稟報帶兵赴浙恰值逆匪由杭回竄故
督師迎擊已將長興縣廣德州二城先後克復聞金
陵兵潰已星夜馳回現於丹陽東閩外紮營請大帥
速往督辦以顧常蘇門戶即日商定留張副帥統兵
萬餘名防守鎮江和帥帶兵勇三千馳赴丹陽而外
間紛紛傳說缺餉已久此時仍無銀到如再無餉不

換翼長仍不接仗許中丞一聞此信即告知和帥必
得另行換人詎和帥大為不然隨到遠處以許幫辦
屢毀翼長不知何故遠云翼長聲名狼籍兵勇恨入
骨髓衆所共知外間實有不換翼長仍不接仗之說
如許中丞不即告知遠亦即據實直陳並非虛語不
若就此另揀賢員接辦以服衆心和帥云王翼長能
耐勞苦不過貪圖小利無甚大碍且衆皆不及無人
可換況均係多年之交何必如此排擠遠又云大營

軍心不固實由翼長諸事舞弊今局勢如此大帥猶復不信請問此公究係何如人答以却非大君子遠云此等大事豈可信用小人既一時無人可換請飭令暫隨張副帥在鎮畧緩時日俟丹陽布置周妥趕緊發餉或見過一二仗後人心穩定然後前往較為兩得和帥又以朝夕與之畫策豈可相離婉勸至再至三堅不允行乃竟因此債事溺愛不明如此牢不可破殆亦有數存焉二十一日水陸並行是晚即抵

丹陽見東南門外營壘數座逼近城牆其餘各處俱無防備和帥到丹連日在城一籌莫展遠節次面請出城相度地勢僅餘西南一帶添營數處專防通常之路粗為布置即馳函張副帥作速前來二十四日張副帥帶兵赶到二十五日早出城查看營盤行未半里馬忽仰跌將其壓倒項翎俱成粉碎遍身受傷仍回公寓二十八日晚間探得金陵句容大股逆匪已到丹陽城外屯聚有二十九日分路撲城之說和

帥隨飭傳知各營加意防禦是日餉銀解到每兵勇發銀四兩名為借給衆軍以欠餉數月何得為借又不發足一月之數明日出隊定不接仗紛紛喧嚷並不避諱二十九日黎明張副帥力疾督率官軍分途迎擊果見黃旗遍野徐徐而來隨揮兵上前攻打乃並不開放鎗砲賊衆排立不敢向前相持時餘之久該逆徑撲東門外營壘總兵熊天喜率兵攻擊張副帥王翼長兩面齊進逆匪連放排鎗詎旂營馬隊先

潰隊伍大亂兵勇紛紛退走和帥在東門城上揮兵
拋擲磚石不許潰退未幾西門外營壘為賊攻破賊
已立梯上城滿城哭聲不絕和帥乘馬由東門衝圍
而出始專人知會囑遠速行彼時方同朱守履恒並
次子汝衡徒步奔出北門落荒而走旋見城內火起
賊已入城三人偕行節節遇賊汝衡左腿被賊矛傷
遠與朱守均尚無恙約行十餘里朱守向江北而去
從此均不復與和帥見面矣遠因離賊稍遠同次子

在村前小憩片刻有丁姓其人饋以稀粥晚間到一
村落不知何方躊躇四顧莫辨東西正無所投忽遇
一白髮農夫收留家中饋食讓牀夫婦款洽如延上
賓詢其姓氏陳名啟祥時遠父子身僅小衫褲並無
分文而陳啟祥竟執禮甚恭復轉邀伊戚王姓同為
御車次早開行送至常州時已二更城門緊閉次日
僱船四月初二日得達蘇門初三日見潰散兵勇千
百成群填滿街市午間即聞城內有擄路搶奪之事

人心驚慌紛紛搬遷

遠

亦攜眷解纜歷崑山嘉定初

九日舟抵上海知和帥於丹陽失陷後即到常州會同張壁田軍門在城布置維時何制府以常郡既有和帥同張軍門統兵防守蘇州為省城重地亟當馳往會合徐中丞趕緊籌辦防剿事宜詎徐中丞與何制府意見不合閉門不許入城蓋深責不應遽離常州恐人心解體常郡不保則蘇門必難久守也維時官軍索餉甚急探得糧臺移駐江陰遂奔至該縣催

餉不意初三日常郡兵變張軍門請和帥同出東門
郡城旋即失陷和帥隨至許墅閻悔恨交集初五日
午間以燒酒吞服洋煙初六日未刻身故經徐中丞
以因傷殞命飛章馳奏奉

旨照例賜卹其時姑蘇已大亂矣旋聞蘇城圍練見官兵
入城疑為奸細誤殺副將張朝綱等多人兵勇怨恨
全無戰心竟於十三日失守徐撫軍有壬護臬司朱
鉤等或一門殉難或被賊戕害其護藩司蔡映斗署

蘇州府吳雲吳縣知縣李文翰元和縣知縣馮樹勳
等或稱帶勇先期出城或云奉委前赴上洋得保無
恙達到滬後痔漏舊恙大作不能起坐未克登岸十
八日晚何制府由江陰前來差弁持帖來請力疾往
見彼此痛哭當以幕中襄助無人邀請辦理一切筆
墨事件旋蒙 奏委署理江蘇臬司接篆後連日隨
同制憲籌畫軍務當以金陵為賊久踞我軍功敗垂
成現在蘇常繼失兵單餉絀急圖轉圜實多棘手與

署蘇松道吳公煦再四熟商非借夷船難期得力隨
請喚法各國辦事大臣及各執事官到署經制府向
其告知答以俟伊等會合商定即來覆命嗣該大臣
帶同各執事官前來以各國前呈合約五十餘條如
均蒙

大皇帝悉行照准情願將駛赴天津各輪船刻即調回先
取蘇州次打金陵以滅賊氛而還中華疆土議定後
何制府縷晰情形具摺上陳並另具一片歷陳

目前之急舍此別無良策務請

乾綱獨斷俯准所請以保東南大局奉

硃批流弊甚多所奏不准行旋奉

諭旨以何制府不應退出常州以致蘇常繼陷革職拏問

速即押解來京治罪兩江總督以曾公國藩補授並

授為

欽差大臣督辦江南軍務江蘇巡撫以薛公煥補授暫行

兼署總督